



ԱՐԴԱՐԱԴԱՏՈՒԹՅԱՆ ԱԿԱԴԵՄԻԱՅԻ ՌԵԿՏՈՐ

ՀՐԱՄԱՆ

ԹԻՎ 047/2014-Լ

Արդարադատության ակադեմիայի ունկնդիրների գիշերակացի ապահովման,
տրանսպորտային և սննդի հետ կապված ծախսերի փոխհատուցման կարգը հաստատելու
մասին

23.05.2014թ.

Երևան

Ղեկավարվելով «Արդարադատության ակադեմիայի մասին» Հայաստանի
Հանրապետության օրենքի 14-րդ հոդվածի 4-ին մասով,

Հրամայում եմ՝

1. Հաստատել «Արդարադատության ակադեմիայի ունկնդիրների գիշերակացի
ապահովման, տրանսպորտային և սննդի հետ կապված ծախսերի փոխհատուցման
կարգը»՝ համաձայն հավելվածի:

Ռեկտոր

Ռ.Մելիքյան

Հավելված
Արդարադատության
Ակադեմիայի Ռեկտորի
«23» մայիսի 2014թ.
N047-L հրամանի

ԿԱՐԳ

ԱՐԴԱՐԱԴԱՏՈՒԹՅԱՆ ԱԿԱԴԵՄԻԱՅԻ

ՈՒՆԿՆԴԻՐՆԵՐԻ ԳԻՇԵՐԱԿԱՑԻ ԱՊԱՀՈՎՄԱՆ, ՏՐԱՆՍՊՈՐՏԱՅԻՆ ԵՎ
ՍՆՆԴԻ ՀԵՏ ԿԱՊՎԱԾ ԾԱԽՍԵՐԻ ՓՈԽՀԱՏՈՒՑՄԱՆ

1. «Արդարադատության ակադեմիայի մասին» ՀՀ օրենքի 14-րդ հոդվածի 4-րդ մասի համաձայն վերապատրաստման վայրից դուրս մշտապես բնակվող դատավորներին, դատախազներին, Ակադեմիայում ուսումնառությունն ավարտած և դատավորների թեկնածությունների ցուցակում ընդգրկված անձանց, դատական ծառայողներին, դատախազության աշխատակազմում պետական ծառայողներին և դատական կարգադրիչներին (այսուհետ՝ ունկնդիրներ) Ակադեմիան պետական բյուջեի միջոցների հաշվին տալիս է տրանսպորտային, գիշերավարձի և այլ ծախսերի՝ Հայաստանի Հանրապետության օրենսդրությամբ սահմանված կարգով փոխհատուցում կամ կազմակերպում նրանց փոխադրումն ու բնակության ապահովումը:
2. Ունկնդիրներին սննդի և տրանսպորտային ծախսերի համար փոխհատուցումը իրականացվում է ունկնդրի դիմումի հիման վրա (Ձև 1)՝ սույն կարգով նախատեսված պայմաններով:
3. Եթե ունկնդրի մշտակության բնակության վայրի հեռավորությունը Երևան քաղաքից 30 կմ և ավելի է, ապա.
 - 3.1. նրան տրվում է տրանսպորտային ծախսերի փոխհատուցում՝ վերապատրաստման վայր ներկայանալու և վերադառնալու համար: Տրանսպորտային ծախսերի փոխհատուցումը տրամադրվում է՝ ՀՀ տրանսպորտի և կապի նախարարության պաշտոնական կայքէջում (www.mtc.am) տեղադրված՝ Միջմարզային երթուղային ցանցի մրցույթով ներկայացված սակագների համաձայն՝ հիմք ընդունելով նվազագույն սակագինը.
 - 3.2. նրա համար Ակադեմիայի հյուրանոցային համալիրում ապահովվում է կացարան, իսկ դրա անհնարինության դեպքում Ակադեմիայի միջոցներով կազմակերպվում է նրա գիշերակացը այլ վայրում.
 - 3.3. նրան տրամադրվում է սննդի հետ կապված ծախսերի փոխհատուցում՝ օրական 3000 դրամի չափով:

4. Սույն կարգի 3.3.-րդ ենթակետում սահմանված փոխհատուցումը տրամադրվում է վերապատրաստման նպատակով վերապատրաստման վայրում փաստացի գտնվելու օրերի հաշվարկով:

Ռեկտոր



Ռ.Մելիքյան